

Confidential



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

KREITI YA 12

SEPEDI LELEMETLALELETŠO LA PELE (FAL)

LEPHEPHE LA BORARO (P3)

DIBATSELA 2025

MEPUTSO: 100

NAKO: Diiri tše 2½

Palomoka ya matlakala a dipotšišo ke 7.

DITAELO LE TSHEDIMOŠO

1. Lephephe le, le arotšwe ka DIKAROLO TŠE THARO, e lego YA A, YA B le YA C.

KAROLO YA A: Ditaodišo (50)

KAROLO YA B: Ditšweletšwa tša tirišano tše ditelele (30)

KAROLO YA C: Ditšweletšwa tša tirišano tše dikopana (20)

2. Araba potšišo E TEE karolong YE NNGWE le YE NNGWE.
3. Šomiša polelo ya Sepedi.
4. Thoma KAROLO YE NNGWE le YE NNGWE letlakaleng LE LEFSA.
5. Beakanya (ka tsela ya mmepe wa monagano, seswantšho, mantšu a bohlokwa le tše dingwe) o be o dire padišišobohlatse. Peakanyo ya gago e tšwelele PELE ga ditšweletšwa ka moka.
6. Peakanyo e bonagale gabotse. E laetšwe ka go thala mothalo wa go putla.
7. O eletšwa go šomiša nako ya gago ka tsela ye:
- KAROLO YA A: Metsotso ye 80
KAROLO YA B: Metsotso ye 40
KAROLO YA C: Metsotso ye 30
8. Dikarabo di nomorwe go ya le ka fao dipotšišo di nomorilwego ka gona.
9. Efa KAROLO YE NNGWE le YE NNGWE hlogo ya maleba.
10. Hlogo ga se ya swanela go balwa ge go dirwa palo ya mantšu.
11. Ngwala ka bothakga le ka mongwalo wa go balega.

KAROLO YA A: DITAODIŠO**POTŠIŠO YA 1**

Kgetha E TEE go dihlogo tše seswai tše di latelago gomme o ngwale taodišo ya botelele bja mantšu a magareng ga 250 le 300.

Taodišo e rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya le palobohlatse. O tla fiwa meputso ya go rulaganya.

- 1.1 Letšatšing leo, dijo e be e le maphaaphaa. [50]
- 1.2 Montsošabošego, ke mo leboga bosele. [50]
- 1.3 Nka se tsoge ke mo lebaletše! [50]
- 1.4 Ka tla ka ipshina ka mmino wa setšo. [50]
- 1.5 Selemo, mamoratwa wa bohle. [50]
- 1.6 Batswadi ba na le seabe kgethong ya dithuto tša bana ba bona. [50]

Kgetha seswantšho SE TEE go tše di latelago gomme o ngwale taodišo ka sona. Ngwala potšišo (1.7 GOBA 1.8) gomme o fe taodišo hlogo ya maleba.

HLOKOMELA: Go swanetše go ba le kamano magareng ga taodišo ya gago le seswantšho seo o se kgethilego.

1.7



[Mothopo: Meta AI]

[50]

1.8



[Mothopo: Meta A/]

[50]

PALOMOKA YA KAROLO YA A: 50

KAROLO YA B: DITŠWELETŠWA TŠA TIRIŠANO TŠE DITELELE**POTŠIŠO YA 2**

Araba potšišo E TEE go tše nne tše di latelago. Botelele bja karabo ya gago e be mantšu a magareng ga 120 le 150 (diteng fela).

Setšweletšwa se rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya le palobohlatse. O tla fiwa meputso ya go rulaganya.

2.1 LENGWALO LA SEMMUŠO LA GO TIIŠETŠA KGOPELO LE BOITSEBIŠOPHELO

O bone kwalakwatšo ya mošomo lebenkeleng la go rekiša merogo le dienywa tikologong ya geno. Ngwala lengwalo la go tiišetša kgopelo le boitsebišophelo.

[30]**2.2 PEGO YE E SEGO YA SEMMUŠO**

Le be le lebeletše dipapadi ge go tla tsoga ntwā ya kgaphamadi gare ga baraloki ba babedi. Ngwala pego yeo e sego ya semmušo ka seo se diragetšego mohlāng woo.

[30]**2.3 POLELO**

O be o le seboledi sa letšatši moletlong wa dikapešo tša Reatlegile ge a hweditše tikrii ya Boentšenere. Re alele polelo yeo o e filego letšatšing leo.

[30]**2.4 TŠA BOPHELO BJA MOHU**

Mohlahli wa sehlopha sa kgwele ya maoto/matsogo motseng wa geno o hlokofetše. Ba lapa ba go kgopetše go ba ngwalela tša bophelo bja mohu bjalo ka moraloki wa kgale sehlopheng se.

[30]**PALOMOKA YA KAROLO YA B: 30**

KAROLO YA C: DITŠWELETŠWA TŠA TIRIŠANO TŠE DIKOPANA**POTŠIŠO YA 3**

Araba potšišo E TEE go tše tharo tše di latelago. Botelele bja karabo ya gago e be mantšu a magareng ga 80 le 100 (diteng fela).

Setšweletšwa se rulaganywe ka lenaneo la go swana le la mmepe wa monagano goba lenaneo leo le ka go thušago go rulaganya le palobohlatse. O tla fiwa meputso ya go rulaganya.

3.1 PHOUSTARA

Ramabelo wa go tuma, o etela motseng wa geno ka Mokibelo wo o latelago. Ngwala kwalakwatšo ya ketelo ye.


[20]**3.2 MOLAETŠA WO MOKOPANA (WHATSAPP)**

Mogwera wa gago o go kgopetše go tla go etiša le yena ka Labohlano la beke ye e tlogo. Go itaetša o tlo palelwa ke go fihla fao ka ge batswadi ba go kgopetše go tlo šala o hlokometše lapa. Mo ngwalele molaetša wo mokopana (*WhatsApp*) go mo tsebiša gore o ka se kgone go fihla.

[20]

3.3 DITŠHUPETŠO

Motseng wa geno le ipopile sehlophana sa bafsa sa go bina mmino wa kwaito. Ditlhahlo di swarelwa holong ya setšhaba. Diriša seswantšho se sa ka tlase go laetša mogwera wa gago tsela ya go ya holong ya setšhaba.



[20]

PALOMOKA YA KAROLO YA C: 20
PALOMOKA YA TLHAHLOBO: 100